

Mangbele ma yogo kombe Ebola madi ?

Ee, mangbele ma yogo e Ebola maya majimama madi mabae. Everlo ejimejama a songe o domi na emoci yanga e 2019 na ngondo ji Europe jia jiputoana cina e male (Agence Européenne des médicaments), ejimama na libongo ji ngondo cina e bopele bo mokuku (OMS). Libongo ji ngondo cina e mia na epeeli e male lijimeza mangbele mamina a songe o domi na jibae 2019. Banga yana, Burundi, République centrafricaine, République Démocratique du Congo, Ghana, Guinée, Rwanda, Ouganda na Zambie bajimeza mangbele mamina.

Mangbele mamina madi mapele na mabaneaka a tungu e ebolavirus o zaïre. Boputuana bo bato ba bete jinene (SAGE) diko di mangbele bobali bo mangbele mamina madi libongo di bikomeli binene a lisombeja di yogo e Ebola. A songe o batano 2020, ngondo ji Europe jia jiputoana cina e male jibala bob ape kpaci e ndomba na kpaki e mangbele ma yene ma ibae maya madi bopama bihole bibae bibeami Zabdeno (Ad26ZEBOV) na Mvabea (MVA-BN-Filo) cina e bato ba bianga emoci wea.

Mangbele mapamaka na bihole bibae : Zabdeno epamaka boso, Mvabea epamaka ngongo ji poso bomwambe o ehole e ibae. Tungu emina e bopa bihole bibe ebwaniti a dane yogo yena ehojoko bobaneama bokpao. Ai bat oba njupi bwango a Ebola (bobale bat oba bilomu na bato baya badi sako madua a ngando yena edia gwa bato na Ebola). Bato baya basiejai mangbele ma bihole bibae Zabdeno na Mvabea, ebwani baselingoe mangbele ma mbakea songe bakano banei banga ehole e ibae.

Mangbele mamina mapama ehele ?

Mangbele Everbo mapama na bileli bi bodia bato basusu tungu ejebani mo na kombe e likomeja li mbakea ai bato 16.000 a Guinée a 2015 na pongono ai bato 345.000 ehole e bego bi 2018-2020 a République Démocratique du Congo. Mangbele Zabdeno na Mvabea makoama ai basuku 3 367, menga na benge bada a makoa matana makomo a Europe, Afrique na Etats-Unis d'Amérique. Makoa mamina maweneja bo tungu e mangbele mamina maweneja bo tungu e mangbele mamina edi ejimamake na ebwani bosekea moto a yogo e Ebola. Tondo e ngule e bole bomina egbasojama ai moto bohula na makoa ai tito. Tungu e bobaneama bo soti bua bohulaka na mangbele bojebanakini bosusu.

Cina ndani mangbele matapamaka ai bato basusu baya badi o ngando ji yogo ?

O abo bego bicingami na Ebola biditi binene na bidoaka kpalakese, a bonja mwengi mo mangbele, mangbele Everbo madi oko cina e mane na bego cina e bobanea bato baya badi na njupi enene e boya yogo e Ebola ekada mangbele ma botuteneja ; tungu emina edi elenge tungu ekakoebo a bobengana kolokoto.

Dugba e ngondo ebwaniti boboloa a songe o yambo 2021 na ebwani bobaneama na Groupe International de Coordination cina e bobolea mangbele. Oko tungu edi dugba ji mangbele ma choléra, méningite na kongo, libolea li badalejai a ngondo jisusu bibwani bopa kpaci a moja mocingi na mangbele. Libongo libato (SAGE) ba bete na bowei (Groupe consultatif stratégique d'experts) bo mangbele likoaka edeye tondo jidi na bu cina e mangbele Everbo, Zabdeno na Mvabea. Libongo limina bibwanaki botondo ngando jibwani bosumama cina e bopa mangbele mamina o ebanea a 2021.

Obwani bodia mangbele nda ?

Mangbele Everbo mabwani bopama yogo ekada cina e bobanea bat oba njupi enene e boya yogo e Ebola, tungu ebalaka bete e botuteneja mangbele na pongono tungu ebalaka moswa bole.

Benge, bali ba memi na baya banungeaka babwani bodia mangbele ?

Mangbele Everbo mabwani na basuku ba bianga 18 na mbuka, dongeja bali ba demi na baya banungeaka. Na oboa, a ehole e yogo a Ituri a Nord Kivua République Démocratique du congo a 2018-2020, mangbele mamina mapama bosusa tungu ebala libongo li bat oba bete na bowei (SAGE) cina e mangbele ma benge ba songe basamano weya na ai bali ba memi na baya banungeaka tungu ebala sengo e mbakea. Libongo li bat oba bete (SAGE) cina e mangbele likoaka tungu abwani bato bobaneama na mangbele mamina ; bileho bikina bimbamaka a mbangie 2021. Motimbi mo mangbele Zabdeno na Mvabea modi cina e mangbele ma bato banojoi yaka emoci.

Mangbele mabwani bogbula minongo a mokuku ?

A makoa na mangbele maya makomo banga o banga 2015, minongo ngongo ji mangbele midi mikeke mene. Bato baya badisi mangbele bakaka ekina ehole molo epeko, bwembu, mini mwano na mwa mobuba.

Moto yona odisa mangbele abwani koko bopeka na Ebola ?

Mangbele masusu temasekeake na bosusu. Bato baya badisaka mangbele babwani botabanea na moya mo yogo e Ebole : pepe bopea mokuku mo moto opekaka na yu, isa midungu, isa makia, mikango, masoi, mene na lobi. Leka bo moto opekaka bolange etambe na bisenja bibwani boya yogo e Ebola, cina emina ebwani bo bilenge. Moto yona odia mangbele ngongo ji boya yogo e Ebola, yogo ebwani bomopea. Bimbete bi yogo bikawenene, abwani bosongana na bato bapaka mangbele na eneje.

Obwani boya Ebola na njea e mangbele ?

Pepe. Mangbele temadake na bangono badi mo. Na oboa etakomo bo oyae Ebola na njea e mangbele.

Mangbele ma bolenge madi maya mapanaka ai bato baya banoi na njupi e moya cina bokobono na moto yona odi na yogo.

Moto akajimama a laboratoire boa di na yogo, mangbele ma bolenge mapamaka tungu'ye :

- Bato baya bapeani na moto o yogo o masu 21 ma ngongo, baya badaki na nde ndako emoci, baya basonganaki na moto o epeko amapeka, baya bamopeaki mokuku, midungu, bisenja.
- Bato baya bapeani na baya bakobonoki na moto o epeko, mituteano, mbota ji hulelu na ngando, bato ba kpengo emoci na moto o epeko.
- SAGE ebalaka bo bopa basali ba mapitalo na baya badaka boso mangbele cina babwani bokweana na bato baya bapekaka.

Bato babokongola editi oko bato ba ngando ji mbuti-mbuti, kasi moswengi mo bato na tutu jinene elenge ndako, tutu ji bilomu ji bohali jia jidaki moto o epeko ehole edaki yo na yogo isa ngongo ji bogwa bonde. A tei e mbota jia, bodia bato mbuti na 150.

Bato ba mangbele badaka beka na basalaka boni ?

Libondo na libondo ji mangbele jidisaka bileho tungu ebwani'bo bopa mangbele ma Ebola. Bikenge bi mosala mo mangbele Everbo bisama bwase ; Tomba :

- Modalijai o libondo di mangbele, modumbei-ndumbea yona okojami akweane na mbota ji moto epeko na batu teamo bande ; bo batondo tungu ekapame mangbele na pongono cina ehokobo bato babwani bodia mangbele
- Ndimbola epamaka na bato babae baya badi libongo li mangbele. Badi bosusa bato baya bakobonoki na moto o epeko e Ebola (yona ogwa, sako yona odi mo), bato baya bakobono na batongo, isa baya badi bohali a ehole enjakabo ngando.

Mangbele madi bete epipo e bona na yogo e Ebola ?

Bopa mangbele edi emoci e tungu ji bete ji bosisana yogo e Ebola. Bete jikina ji yumu jipalaka bo :

- Boda na kengi ai batobakobonoko cina e boboloja moya pepele
- Bonjeja mokuku a machine cina e bojimeja isa bonganeja yogo
- Bobotoja bato ba epeko cina e botieja moya a ndako, isa a ngando na bopa male mabwani
- Bopusea bato bagwi na yogo na yogo na bojabanea bosusu na lisuma pongono cina e bokeneja moya mo yogo e Ebola ai bato baya babwanaki bopea bato baya bagwi
- Bobeja bato ba ngando jisusu a dane ji Ebola

Mangbele mabwani bobanea moto bianga beka ?

Libongo li bat oba bete (SAGE) e mangbele likoaka dea tondo jipele ji batobaya badisa mangbele banga 2015 cina e botondo bianga bibwani na moto bobaneama akadisa mangbele ma Ebola. A bojabanea na bohali, babalaka bo ebwani bomea a 2021.

Translated into Ngombe with the guidance of Dr. Papy Lusameso from “Ebola virus disease : Vaccines”, WHO, January 2020. WHO is not responsible for the content or accuracy of this translation. In the event of any inconsistency between the English and the Ngombe translation, the original English version ([Ebola virus disease: Vaccines \(who.int\)](https://www.who.int/publications-detail/ebola-virus-disease-vaccines)) shall be the binding and authentic version